

«Persequitar vinavant il svilup da la valuta»

Retschertga pertutgant l'euro bass

DA GION NUTEGN STGIER

■ Er a l'ur da la radunanza da Hotelle-riesuisse Grischun a Cuira èn l'euro ed il ferm franc svizzer stads in grond tema. Cun trais hoteliers e duas hotelieras avain nus discurre e dumandà tge mesiras ch'els hajan gia fatg e sche la crisa da valuta haja er consequenzas per lur manaschis.

Patrick Dietrich, hotel «Waldhaus», Segl

Il mument guardain nus en tge direc-



ziun che l'euro vegn ad ir. Ina mesira che nus avain dentant fatg è da dar als giasts che han gia reservà tar nus ina stanza e che vegnan dals pajais da l'euro in rabat dad 8%, quai natiralmain be sin il pretsch da la chombra. Sche la valuta da l'euro resta dentant per pli ditg bunamain 1:1, lura avain nus da far ponderaziuns da dar quel rabat er per ils giasts che vegnan a reservar a curta vista ina chombra.

Doris Kellenberger, hotel Rössli, Bogn Ragaz

Anc avain nus da l'uniun dals hoteliers betg introducì mesiras spezialas. Nus essan da l'opiniun da guardar il svilup da l'euro e dal franc svizzer e sch'igl è necessari reagir. Bogn Ragaz è segir er pertutgà da quella crisa da valuta, dentant



Kurt Künzli, hotel ABC, Cuira
En emprima lingia stuain nus tschertgar il



betg uschia sco las regiuns turisticas dal Grischun. Nus avain per buna sort er anc blers giasts svizzers. Pensar positiv e betg laschar crudar las alas, quai è nossa devisa.

contact e cunzunt er esser sincers cun noss buns partenaris e «tour operators». Cun els avain nus da chattar schliaziuns ch'èn

per omadus bunas. Natiralmian vegnan er ils pretschs ad esser in tema, dentant er en quella chaussa èsi da tschartgar il discurs e chattar ina buna via. Da la vart dals «tour operators» è il sbassar ils pretschs segir in tema cun els avair scrit or ils viadis en il Grischun da lez temp cun in auter curs da l'euro. Ch'els hoteliers duajan ussa purtar la conseguenza da la crisa da valuta, quai è segir er betg ina soluziun.

Eveline Michel, hotel Allegra, Zuoz

A curta vista avain nus fatg ina acziun e quella è «mez a mez» per l'euro e per giasts che vegnan da quels pajais cun quella valuta. Cun esser noss giasts per 95% da la Svizra è l'euro betg in uschè grond tema en noss manaschis. Tuttina avain nus fatg quella acziun per mussar a la glied che er nus faschain insatge suenter il «schoc» da l'euro. Fatg avain nus er in flyer ed er tarmess quel a nu-



merus giasts cun intgins puncts che mussan ils avantatgs per far vacanzas en Svizra.

Rudolf Pazeller, hotel Chastè, Tarasp

Per il mument èsi da ponderar tge mesiras che èn da far e tge mesiras ch'èn stadas sbagliadas, quai è per il mument il meglier. La stagiun d'enviern, quella è lantschada e midar sa lascha betg blier. Chattar soluziuns per la stad, quai è uss in pensum, mantegnair cunzunt la qualitad, tgiar anc pli bain ils giasts ed anc dapli gentilezza. Ina schliaziun è er da dar al giast forsa ina pli bella stanza che custa dapli che quella ch'el aveva reservà. Ditg simpel: vegnir encunter al giast en tuttas modas e manieras.



Per in bun service e per ina qualitad singulara èn ils giasts pronti da pagar dapli.

